

42161
4216
96

卷之首

序文總目

職名凡例

圖畫大事記

民國二十五年三月

重修商河縣志

二十六年徵集之書

縣長石毓嵩



17950

重修商河縣志序

縣之有志猶國之有史也欲徵國家之文獻則宜博究乎歷史欲徵地方之文獻允當參稽乎縣志故夫古之善爲治者莫不引國史爲經縣志爲緯經緯並重不容少存歧視於其間也商河之有志自前明萬歷丁亥年始迨清道光壬辰踵事增華方集大成迄今將近百年而其間未嘗計及忽此爲政首務良可慨也舊令李公有見於斯迺倡議重修規模未具遽解組以去癸酉六月奉檄來權縣篆甫下車卽邀邑紳集議廣續重修延至甲戌年三月乃決立文獻委員會縣志股推舉編纂分類責成歷九閱月而歲事繪圖列表繕冊送核披閱再三體例謹嚴其所採摭新舊辨正謬並增減補續折衷一是不尙鋪張務求覈實較諸舊志尤爲精詳竊計修志終始費時未久與事諸賢殫心肆力而路子雪堂總攬其成爲功尤有足多當其經營之始但計襄此盛舉何期本任樂觀厥成不盡慶幸之餘乃有感焉自長商邑善政未敷良用內疚躬逢曠典名附以傳去後芳臭殊懷懍懍不揆無文聊據胸臆用示鴻爪云爾

中華民國二十四年歲次乙亥九月

山東商河縣縣長石毓嵩拜序

重修商河縣志後序

志者識也識道之大小載之外史小之志一邑與大之志一統體例不同指歸則一所以攷政治之得失辨人情之好尚審風俗之美惡俾官斯土與著斯土者視效觀法以臻一道同風之盛而成世界大同之治也志與史義同而體異史紀一代以昭勸戒志紀一方以備採擇史有褒貶志則善善從長而修志尤難於修史才疏則敘述蕪雜學淺則稱引寡陋識闇則論斷悖謬江文通謂志者典章所係非老於掌故者不能爲也故往往遲之久以待其人商河縣志創於邑令曾公一侗自明萬歷丁亥越五十餘年至崇禎丁丑邑令賈公前席續修迨清道光壬辰百九十五年邑令龔

商河縣志

卷之首

序文

二

公廉白踵事增華集其大成付之手民迄今將近百年遞經兵燹板半燬於火其間世運升降建置沿革禮樂損益戶口增減物產衰旺人文興廢風尚醇淆與夫聰明才智文武忠孝以及山林隱逸之士葍屋窮簷之嫠不可枚舉設不繼事重修後之人欲觀感而有所激勸其道無由况舊志多缺誤尤有亟宜補正者邑隸大風表海之域非特山左一都會實亦鍾靈毓秀區也九邱邈不可稽唐虞夏商屬兗州周爲麥邱屬齊秦屬東郡漢爲漯陰爲勃屬平原郡千乘國樂安國爲翌成爲張鄉屬河平郡爲涇沃屬千乘郡爲延亭屬建信郡隸青州部魏爲涇沃屬樂安郡樂陵郡隸青州部晉爲涇沃屬樂陵國隸北青州部南北朝爲涇沃屬樂陵郡

隸滄州部隋爲溼沃爲滴河隸棣州改滄州尋改渤海郡商加水
旁作滴本桑經酈注以滴水名縣明於漢之許商無關也唐爲滴
河屬滄州德州棣州樂安郡隸河南道五代爲滴河屬棣州隸河
南道宋去水旁爲商河屬棣州樂安郡隸河北東路金爲商河屬
棣州隸山東路割入僞齊劉豫八年元爲無棣屬滄州隸河間路
爲商河屬棣州隸濱棣路後隸濟南路明爲商河屬樂安州改武
定州隸濟南府清爲商河屬濟南府後屬武定府俱隸山東省此
皆攷歷代正史旁參地輿各志足以徵信舊志未列圖表疏舛殊
多若封圻則漢之濕成侯忠雲夷侯信濕陰定侯昆邪定安公孺
子嬰古蹟則漢之雲城唐之雞籠鎮名宦則周之麥邱封人後漢

商河縣志

卷之首

序文

三

之史弼鄉賢則周之麥邱邑人後漢之禰衡唐之馬三寶僑寓則
後梁之王彥章亦皆缺而未登至於明之賈斌馬泰伸清之先大
夫興一公本傳太略宜援明史列傳陳文恭在官法戒錄馬氏家
乘吳楚心跡家訓輯要等書採入以成完璧他如襄楷疏中劉瓚
誤作劉瓚千古誤作於吉宮崇誤作宮禁別風淮兩指不勝僂况
巨公懸市之業藏之名山故家斷簡之遺享同敝帚滄海明珠遺
而難索珊瑚鐵網多未收哉尤可笑者許商未嘗治河取冠名宦
馬裔孫儒暗苟祿用弁鄉賢且掩其文章著述八分書札之善而
以當時所譏之三不開侈爲美談歷傳四朝歐公列之雜傳以長
樂老之流亞溷廁馨香何以爲訓余嘗三復流連往往歎息痛恨

於文獻淪落而深慨商之無人也夫其地其人其事必生長於斯者能周知其故志之不能不借証於是邦之士大夫以故其所清咸豐己未修郡志光緒辛卯續省志俱沿襲舊說草草續貂乙巳邑侯陳公蔭南奉撫扎修鄉土志聘廉編纂廉補正舊志缺誤數百餘條如歷史兵事類然限於例目未遑於邑乘一一更訂之也民國甲戌石縣長中峯奉令重修縣志聘廉爲分纂於本年三月立文獻委員會分類編纂迄九月歲事撫故實採新聞有圖有表有增有減缺者補之譌者正之文不尙鋪張事務求覈實雖不敢比常璩之華陽志宋敏求之長安志范成大之吳郡志康對山之武功志馬定宇之安邱志爲信今傳後之書然稽往籍之疏遺闡時制之

商河縣志

卷之首

序文

四

精蘊酌古今釐規條要必斬於可崇可法可勸可懲務臻明備而不少留遺憾顧同事諸君臆見各殊以爲舊志未可輕改名宦鄉賢題准方得與祀許馬崇祀在明時已昭一旦撤去有駭聽聞落落數千年間邑之前後宜食報兩祠者不下數十餘人有待於次第籲請異時聖學昌明提倡公道賢士大夫綠章上奏援引班書歐史條陳許馬事實仰稟睿裁以定去取可也未便自我翻案禮曰有其舉之莫敢廢也不妨姑留疑案以待後人論定云云竊謂天下公事自有公是公非不容參一私智誠恐承學之士目不睹二十四史之書以縣志爲信史許冠名宦無功倖邀者藉爲口實馬弁鄉賢欺世盜名者必多穢濫貽誤將來流弊胡底所關於世

道人心甚鉅用是摘錄以上各節并諸簡端以俟博洽者之考訂
焉若夫志之比舊增入者交通以來遠人實業以殖貨產兵防以
資保障民族以重民胞大事叢志各以類書綱舉目張洪纖不遺
下以續野獲之編上以備輶軒之採他年太史問俗方且詢其部
洲咨其方物據斯志載入版圖以成一統無外之書皇古大同之
治不難復見於今日豈第有益於吏治民風爲學士考鏡之資哉
中華民國二十三年龍集甲戌冬月邑歲貢生潔泉王心廉謹識

商河縣志

卷之首

序文

五

重修商河縣志序

維民國甲戌春蒙縣長石公中峯聘同郭星珊諸好友續修縣志稿脫欲著數言愧無一字因憶清光緒十七年辛卯張勤果公巡撫山東欲修通志飭所屬各郡縣搜訪修輯預作基礎適余先嚴春浦公長商河義學蒙邑侯陳公集三聘同協修時則有若王蘭圃邱震谷馬次公張煥堂等皆一時名宿相與討論參訂囑余清繕言猶在耳事豈忘心噫嘻吁哉曾日月之幾何屈指已四十有四年矣由今日之舉行思當年所錄述彷彿猶想見其時政教休明風俗醇美人心簡樸官吏以貪污相戒士庶以耕讀相勗上下恬熙各安其業男尚忠信女矢貞潔雖遇顛危不改風節至父慈子孝兄愛弟敬夫義妻和相觀而善習爲固然無足異者惜禍來自天文將掃地老成凋謝典型無存竟等杞宋之無徵矣願諸君好爲之無使是編仍等杞宋之無徵有負我縣長考文獻之盛意也幸甚

民國二十三年歲次甲戌七月望日邑庠生李巖霖傅卿氏謹序

重修商河縣志序

邑之有志猶國之有史體例同而意旨稍異史以綜一代之治亂得失寓春秋褒貶之微意故其年表世家列傳敷陳事蹟以垂鑑後世若夫志即周官職方氏之所掌所以考輿地之沿革財賦之盈虛河道之變遷戶口之增減以及學校之興廢人物之盛衰莫不臚列而縷述之使讀者偶一披覽而一邑之土地人民風俗物產瞭如指掌其文無取乎鋪張其事易鄰於摭拾重實錄也則邑志不綦重哉吾邑之志自清道光十六年重修付梓以來光緒中葉雖重修一次因未付印稿已失亡屈指至今失修者將近百年其間滄桑變更制度損益又兼民國肇造政治更新若不及時重修竊恐文獻不足後將無徵前濫縣長鍾洛李縣長鳳五屢議重修均因升調而中止民國二十二年縣長石公中峰以大學畢業考列優選來宰是邑下車伊始索觀舊志艱於搜尋卽毅然以重修爲己任因案牘叢脞未暇及此越明年春政平訟理方擬進行適奉 省府通令飭各縣同修縣志以爲重修省志之基礎奉令後卽召集各機關開會討論咸謂可於文獻委員會附設重修縣志股延聘紳耆開館編纂遂聘馬君忠藩等九人爲分纂於二十三年三月開始重修

商河縣志

卷之首

序文

七

以樗材亦得隨諸君之後與聞其事諸君皆邑內名宿學識兼優聞見俱廣各展素懷同抒偉論分門別類綱舉條晰訛者正之遺者補之不安爲附會亦不沒其幽潛

石公亦不時參互考訂增刪筆削九閱月而稿脫脫稿之後諭誨
編次誨學淺識薄曷敢承負辭不獲已勉膺鉅任查道光舊志係
敝族高王父雲衢公司編纂先曾王父其俊公任參訂成法俱在
舊例堪循遂查照舊志八綱增鄉區氏族實業交通四綱共十二
綱一百一十八目遵先例也編次既竣行將付印謹述其巔末而
爲之序

中華民國二十四年九月歲次乙亥雪堂路程誨序於潤德草堂

商河縣舊志稿序

明萬曆十五年

知縣曾一侗 古陳

不佞承乏商河貿貿焉懼弗克荷以取罪戾及今三載矣凡所耳聞目擊者不少然疆宇所際以闢荒穢有遺歷焉民俗所尚以諷鄉老有遺聽焉政事所陳以稽往牘有遺明焉無他文獻不足故也嗟夫以介乎齊魯文明之區仕於其地生於其鄉代有聞人而邑乘不備豈非一大缺典哉不佞下任歲惡吏事方殷未遑也歲在乙酉江右詹應陽來署教事司訓王君柏郎君邦瑞又皆博聞淹洽相與考邑之故事斬創志焉諏日開館聘邑之積學士編纂其中不佞亦間附己意總其類有十析其餘有五十八稿凡二易月凡五更本末俱舉細大不遺志輿地宮室而經畫寓焉志食貨商河縣志

卷之首

序文

九

學校而教養出焉志官師選舉人物而勸戒昭焉志古蹟雜述藝文而幽顯闡焉凡所謂風土之宜人情之便張弛緩急之序因革損益之方一披閱如指掌矣若曰言之不文行之不遠後之君子幸改作之此志爲屬稿可也

商河縣舊志稿序

清康熙十二年

知縣趙攀麟 三韓

余昔事冬曹稔聞山左名邦洋洋大風甲於天下心竊嚮往焉既秩滿得授商河令奉簡就事荒陬繁應日不暇給於簿書鞅掌之餘方思搜覽邑乘考風土辨物宜以定張弛緩急之序值憲檄纂修通志各州縣增新志書以昭大典稽舊志爲前朝曾公所著成於萬歷丁亥屈指今茲九十餘年其間滄海桑田白雲蒼狗不知

凡幾且業經鼎運政令因革風俗盛衰足當記載者多矣及此不治何以徵文獻而備掌故耶謀之司教薛君遴諸生之才識敏治者三人酌古訂今蒐遺採隱稿數易甫成書蓋其慎也聞之格物之學明德之先務也前事之紀後事之師資也志仍上下兩冊列卷以十編目五十有八若夫則天時因地利和民俗調物宜斯長民者所有藉也今人與居古人與稽簪裘弓冶罔失其舊都人士豈無小補哉余將藉以仰答功令垂鏡來茲如以是爲經國之大業匪所敢居云

商河縣舊志稿序

清康熙二十五年

知縣金

鉅

古者列國皆有史史者所以別忠邪考得失昭鑒戒逮秦人罷侯

商河縣志

卷之首

序文

一〇

置守而史無專職遂不曰史而曰志名雖不同義實一也商河爲古齊北鄙泱泱大國之風猶有存者予以菲材濫膺是邑蒞政之餘獲與賢士長者相接閒嘗詢之故老採其遺事奈古乘雖存而隆萬以後大都闕焉未備歲在壬子前知縣事三韓趙君奉檄纂修縣志以備通志採擇稿成趙君榮擢去未登梨棗予因延原纂王生宗振檢得存本仍俾操觚增注節繁飾要間以己意裁酌其間於星躔辰緯則深寅畏之思於疆域建置則動萃渙之意觀膠庠祀典知敦秩之是崇焉考試役食貨知民艱之是恤焉折衝足以資武備旌別所以勵人才異日者輜軒之使入境而採風吾知必有資於治者不可謂非合於別忠邪考得失昭鑒戒之道也是

爲序

商河縣志略抄序

清道光元年

邑舉人王

怡樂亭

披閱聖賢經傳與歷代史書數十年矣而不知其理之所極因廢然返以爲得活潑真機乃可有獲遂勞精竭神寢食無間期與古合而終覺扞格不入也並此平日讀書窮理之心而不能自持既恍然曰心不持者求可以寄之者寄之偶得舊志抄本武定志原本合而校之各仍其舊兼取書史有關於邑之事跡見於他志邑人所見所聞所傳聞者並抄之積年成若干卷夫存往日之文獻供後人之鑒戒是大雅君子所爲末學何敢當此夫亦聊以寄不能自持之心而已抄既盡因志其起訖如此

商河縣志

卷之首

序文

一一

商河縣志舊序

道光十六年

山東學政

季芝昌

江陰

商河齊麥邱邑也俯瞰渤海環抱清河屏障畿甸倚扼南北古無棣之墟用武之國也華亭龔君廉白以貴介之胄具翼亮之才試烹小鮮來攝是縣政化旣宣刑清有暇迺披圖經校簿錄慨邑志之放佚憫文獻之寢亡且懼良莠無以甄庶務無由理於是詢耆長采鄉歲稽古覲今闕疑刊謬歷五月而成書越三載而授梓凡爲圖十四爲志八爲卷十分藝文爲上下二卷而以圖冠首焉旣成乞序昌旣嘉君之勤心民瘼立言扼要也又以古者六典之治總之冢宰九州之籍實掌史官則昌之有言亦固其職况昌奉天子之命爲輶軒之使凡郡縣之淳漓疾苦潛德懿行皆日夕所

願聞期與二三賢令求底於大同也其敢以不文斬龔君之請廼爲之序曰惟皇衆建邦國永綏兆民爰命北正司地辨方知俗條其土之宜使物產有恆也厥有堅壚偃瀦肥墩高下山林川澤墳衍原隰之名別其氣之異使民生以遂也厥有陰陽向背氣候遲速寒暑陵衍剛柔燥濕之變是以民居五方之地各稟其土之性相爲飲食被服好惡輕重以各適其適而莫可變更是故善政者不怒而民畏善教者不勞而民順何也物具土宜知其利害達其志而通其欲因其尙而劑其宜故曰廣谷大川異制人居其間異俗書錄夏貢職記周官政教克彰靡不由此嬴秦肆暴掌故蕩然蕭何入關得秦圖籍天下要害賴此而知厥後朱貢條記風俗班

商河縣志

卷之首

序文

一一一

固始志地理及摯虞陸澄任昉顧野王之屬靡不譏述地記顓門名家然皆囊括宇宙盧牟郡國至如士衡洛陽沈瑩臨海劉損京口陸蒯鄴中盛宏之之記荊州常武平之譏蜀志陳留風俗傳自圈稱汝南先賢爰成周斐隋大業中又普詔諸郡條其風俗物產地圖上於尙書故隋有諸郡物產土俗記及區宇圖志諸州圖經集等書此則猶存先王之遺風誦訓之美意焉若乃縣邑之治勒有成編則維景定建康咸淳毗陵宋氏長安嘉泰會稽載記周詳考核精當足與古史媲美矣夫郡縣之賴有志乘也非以騁遊觀之美誇物產之盛所以正疆索攷沿革記山川明關隘訂財賦陳風俗搜遺軼之間寓勸懲之旨範居人之性貽來哲之良規也使

纂輯者不得其人則繁簡失次謾衍軼矩啓後雋之警惑爲學士之詆謨其與放軼舊聞荒怠國政貽譏先覺相去無幾是可懼也若龔君之爲此書也徒駭馬頰辯列代之訛堯域青墟斟地志之誤計戶口之盛衰校田賦之贏絀報功之典有祀必登禮樂之林有舉即錄其他人事土宜淑行鴻筆罔不綱舉條繫賁賁歛華足以爲來者虛堂之金鑑照夜之驪珠矣夫以輪輻之宜於軌道也舟楫之利於江湖也使涉洪流之津遇風波之阻亦知捐駮駟之名乘而鼓枻於中流也使登太行之峻孟門之險猶欲以江湖之利利焉雖使共鼓操之造父策之吾知其害不在顛陪而在乎有所不行矣然而懲其害而不謀其利泥於物而不究其用是猶舍

商河縣志

卷之首

序文

一二三

登山之舸艇而涉海以輪輿也然而瓊艘瑤楫無涉川之用頽波疊浪有覆舟之虞循名而不稱實安常而不權變厲涉之細猶復如斯矧蒞政施教民生攸屬者乎是以介潔而無通變者非楨幹之器儒雅而乏經緯者非盤錯之材是又在讀君書者引而伸之觸類而長之庶無負龔君修志之雅意先王疆理之憲典俾使者於采風問俗之下共慶庶政之修和也豈不煒哉豈不煒哉

商河縣志舊序

道光十六年

山東布政使

劉斯崐

南豐

邑之有志將使官斯土與著斯土者悉其地利所宜民風所習井疆之附麗戶口之盈虛經緯山川蒐羅文獻以存一邑之掌故非徒具文已也商河爲武郡劇治自漢成帝時河決平原流入濟南

千乘諸郡許商以博士疏治有功民感商德以商名河用誌不忘
灌溉之利至今賴之說苑載齊桓田麥邱卽今縣地麥邱老人祝
桓公桓公封之而霸其民嚮風慕義又如此麥邱名邑始於戰國
歷漢唐以來代置縣治迄今垂千餘年矣可任其紀述無聞而泯
沒耶顧縣志創於前明萬歷中入國朝屢議修纂未覩成書道光
辛卯冬華亭龔君廷煌攝縣事甫下車卽進邑人士採訪校訂補
漏芟訛未數月書成簡而賅詳而整裁制有體具見著作之長徵
予言以弁其端予司藩東土嘉與閭屬諸君子宣上德而達下情
竊謂勤求教養者致治之本也旁稽故實者佐治之餘也二者原
不可廢也今龔君從容坐理先盡其職業而綽有餘晷廢者以興
墜者以舉俾後之官斯土與著斯土者有所考証焉觀感焉其視
苟且爲治而日不暇給與夫急其所緩而不免於矯者其材果孰
優而孰絀哉遂書之以爲序

商河縣志

卷之首

序文

一四

商河縣志舊序

道光十六年

山東提刑使者

蘇廷玉同安

郡邑之有志以備參考不博採則不備而求備者或隣於濫不精
覈則不信而求信者乃近於刻古今修志通病也商河邑志失修
久矣其山川制度以及人文物產後將無徵龔君廷煌攝邑篆力
任其事是舉數百年廢墜之業而興之謂非賢司牧耶龔君以將
門子生文物地宰聖人鄉博物而有著作才勤政而有循良譽以
其餘閒撫舊徵新綱舉目張條分縷析旣備且信可垂永久推此

意以牧民而凡興利除弊分所當爲者無不盡力所能爲者無苟安以治官事以厚民生又豈僅文采風流之謳思於邑人士已哉

商河縣志舊序

道光十六年

山東督糧道張祥河華亭

商河之名至宋而始著蓋自漢成帝初馮遂奏浚屯氏河丞相御史白遣博士許商行視治之有績其後商官至河隄都尉以鴻嘉四年偕丞相史孫禁行視禁欲決平原金隄間開大河令入故篤馬河至海五百餘里而商以爲禁所欲開者在九河南篤馬河失水之迹處勢平夷早則淤絕水則爲敗不可許公卿皆從商言宋仁宗慶歷中河日南趨始易故縣元時改復無棣舊名至明改名商河則以棣爲成祖名諱之然則縣之建置綦古而河勢因之變遷其事蹟豈可無所考與吾友龔君廉白以試令來署邑事憫舊志之簡略於是發文籍起凡例詳考往昔經緯時事意欲確然爲典覈之書閱半載而成編旣以示予屬爲序予受而讀之見其條理秩然序次不苟而於古今河道變遷之故辨別尤晰其言以爲縣境自漢暨宋盡河流所經河形久廢無跡可溯惟土河商河沙河即篤馬河者猶有可考此其言絕可据依予初至山左督理漕務往來倥偬於古今河道曲折異同未暇詳考竊喜讀君之書得君之爲政與其所以用心故不辭而弁其首至其書之綱目具舉詳略得宜讀者當自得之茲不備論云

商河縣志舊序

道光十六年

濟南府知府王贈芳廬陵
前湖北學政